

增年譜遊錄注

謝皋羽晞髮集

上



國粹叢書  
第二集

國學保存會印行

上海图书馆藏书



A541 212 0007 1545B

晞髮集引

晞髮集有宋遺民謝翱舉羽所著翱之出處志  
行其友方鳳吳謙有狀有志太史宋公暨諸先  
輩有傳翱書殆百卷此集蓋其一也維宋以仁  
尊立國以禮誼恭讓遇士大夫比其亡也又值  
而有之故食馬仕於朝者徃徃死其  
封疆社稷以就夫義命之所安而丞相文公尤  
光明俊偉震動一世迄收宋三百年養士之效  
至於儒碩豪傑之士窮處於家者耻淪於

以

毀冠裂裳為懼則相率避匿山谷間服宋衣冠  
以終其身而翱則丞相嘗署以職者計其時所  
以處成敗利鈍死生去就者諮謀已定及丞相  
死於燕翱徬徨山澤長往不返懷賢憤世鬱憂  
之意一吐於詞卒窮以死視一時督府相從之  
士等死耳翱真丞相之客也蓋其君臣之所感  
召師友之所切劘故庶於成就者如此嗚呼是  
豈一日而然哉此集囿抄於建安楊晉叔家會  
馮御史執之按部至海陵囿出而閱之作而嘆

曰翱之樂府諸體佻李賀張籍近體出入郊島  
間古文則直遡柳柳州之派其志潔其行廉有  
沉湘蹈海之風是宜傳也同時之士氓馬不傳  
者多矣翱獨賴是集之存傳翱可以想見其餘  
其不傳者亦或有殘編斷簡流落人間者乎將  
又因之以傳也迺篋之至揚告唐運使文載運  
使曰此予雅慕其人而未見其文者遂相與刺  
之而屬壻爲之引

弘治十有四年冬十月朔中順大夫太僕寺少

卿海陵儲壻識

旌德劉  
聖立書

宋饒歌騎曲序

吳 萊

自宋之南遷說者嘗欲復中原地蓋謂大江之南東至滄海西兼巴蜀而北以淮河為外屏然而禹跡所及但自蜀江而下文王之化亦且止行江漢汝瀆之域不及江南春秋列國無慮百數江南惟吳越楚三國楚之始封篳路藍縷以啓山林吳越亦斷髮文身披草萊以立國大江以南半為山海險阻無人之地此天地之氣化所以極衰於古而併盛於今也嗚呼世之迂者

果不諳國勢達時務哉春秋之世吳最強越乘其敝而盛吳越王句踐乃能無事於霸而自安於蠻夷及王無疆方聽戰國游士之說而欲霸楚遂擊越而走之東盡吳故地北接齊韓魏之邊西壓巫黔中固大國也曾不旋踵又一折西盡輸於秦子女玉帛犀兕材木終不足以抗秦人天府陸海之饒矣當漢氏盛時江西一境人民戶口不滿六萬唐之中世江淮遂為財賦之淵歲奉朝廷而度支經費猶不能給自今觀之



魚鹽米粟漕運牧養灌溉之科過於古乎抑不及也謀不審力不蓄兵不練財不阜欲以空言復中原地不亦難乎蓋昔景德澶淵之變上方以北兵深入兩河震動而不以歲幣講和為虞是故欲捐銀絹數十萬匹兩而棄之苟安而已宣和京城受圍未暇一戰已請和而納幣紹興再造不思其禍之已成復踵而行之馴致完顏氏之大壞可以監矣開慶鄂渚之虞且欲遵其覆轍率以不及踐言而致滅宋之禍自祖宗之

世兵弱而不修於內財匱而復割於外此其實  
已久敝矣當完顏氏大壞人孰不曰時可為機  
可乘大河東北彼已委而棄之關輔以西隨以  
陷沒山東十數郡奄為盜有宋之設施號令幾  
若可行於青齊然彼以既衰就盡之國猶能遣  
使來督歲幣遣兵直窺江淮且不得以必勝之  
也况欲以是當西北方王之氣哉當東都盛時  
每以天下貢賦之全而憂不足三司條例青苗  
保甲害民蠹國曾不之恤紹興以後國愈蹙財

愈匱山林原隰陂澤之所出一切毫計而縷救  
之至不足自給東南民物之凋敝者極矣買公  
田造關子亦猶三司條例之餘也雖然亦何補  
哉此蓋自守不能難以言戰宋亦不復知有中  
原地矣故老云理宗在宮中嘗被酒上芙蓉閣  
見淮上有黑祲十有餘年不散南逼江淒然淚  
下已而彗星竟天災異若此徒論春秋戰國時  
事以鼓其說何世之迂也是豈國勢之不諳時  
務之不達者歟非耶武夷謝翱皋羽故廬陵文

公客也於是本其造基立極親征遣將東討西  
伐作為饒歌騎吹等曲文句炫煌音韻雄壯如  
使人親在短簫鼓吹間斯亦足以盡孤臣孽子  
之心也嗚呼尚何言哉初漢曲二十二篇魏晉  
人更造新曲二十二篇但頌國家功德不言別  
事大樂氏失職唐柳宗元崎嶇龍城山谷之間  
亦擬魏晉未及肆樂府令翱又擬夫宗元者也  
饒歌自日出至上之回凡十二篇騎吹曲自親  
征至邸吏謁故主凡十篇云

重刊晞髮集序

宋參軍謝公臯羽著書百卷內詩文號晞髮集者二十有八卷明初尚未散佚故胡公仲申稱其集備於當時諸家至弘治間儲公紫墟刻板揚州所佚已大半詩七言律體闕文止記序共十有三篇而已萬曆時有歛張氏者重刻是集無能有所補正更加穢雜謬誤焉其外集載所謂新詩者村鄙不成語稱為謝公降乩之作尤可為怪嘆者也惟後附行狀曠誌為舊本所闕

今舊本世已少余所有抄白晞髮集尚從此出  
故其格式猶為近古但卷帙已不可考乃以意  
分為詩八卷文二卷又於前任鄧二傳外增胡  
宋二公傳并劉公伯溫書傳後詩而以行狀壙  
誌次其後字畫錯誤以他書叅校十得七八其  
張氏本雖不善亦有可叅者凡諸本闕者仍之  
異同者從其是有可疑者則以抄本為主而著  
其異於上方若其都失本真而的然可改者則  
改正之而仍著已前之失然尚有未能悉正者

正集外又有晞髮道人近藁數止五十餘首而  
浙東西遊錄中其遊金華者尚存皆刻本所無  
今亦加校勘增入至公所錄他人詩并後人註  
釋公文者雖不全備然世專刻者少故別附集  
後焉今之論詩於南宋者必曰楊陸范氏若公  
類以節義掩余獨以謂南宋之詩當以信國文  
公為冠而公可與之抗行揚陸諸家俱不及也  
蓋唐自敬文而後詩道日以壞至宋仁英神哲  
之世乃復振起其氣發泄無餘然亦遑遑趨於

弱者似與國勢相為表裏也至南渡而衰矣當時諸公所作尚不能與北宋比肩其敢望唐人之室乎獨公與文公當天地變革之會拂鬱憤懣之氣發之於詞雄厚奇杰如夕陽倒景光彩萬狀文公詩絕類少陵而公則出入於孟郊賈島張籍李賀諸家於賀尤似其激厲奮發有過之無不及也耳食之流誰為知此牧齋錢氏之言曰宋之亡也詩稱盛弇州王氏之言曰臯羽為南宋翹楚此為知言矣公又工於文章彷彿



近唐元柳則又文公所不逮者余既拔刊其集  
復為論其說如此云平湖陸大業序

聖旌  
立德  
書劉

傳

謝處士傳

任士林

咸字上一本有宋字

節字上一本有大字

定字一本作六

謝翱者字臯羽閩人也父鑰性至孝喪母行服廬墓終身不仕咸淳初翱試進士不中慨然以古文倡作宋祖鏡歌鼓吹曲騎吹曲上太常樂工習之人至今傳其詞凋儻有節嘗布衣杖策叅人軍事未幾善哭如唐衢過姑蘇望夫差之臺慟哭終日過勾越行禹窆間北鄉哭乘舟至鄞過蛟門登候潮山感夫子浮桴之嘆則又哭

晚登子陵西臺以竹如意擊石歌招魂之詞曰  
魂來子何極魂去子江水黑化為朱鳥子其味  
馬食歌闕竹石俱碎失聲哭何其情之悲也所  
知淪沒碧血游空山川池榭雲嵐草木與所別  
處及其時遶相類則徘徊顧盼悲不自已夫鳥  
獸喪其羣匹越月踰時則必巡過其故鄉翔回  
馬鳴號馬躑躅馬踟躕馬然後乃能去之若翱  
者章皇山澤惡夫淚之無從也既客浦汭往來  
桐廬人翕然從翱學所為詩歌其稱小其指大

遺刻  
本俱  
作餘

州字下  
一本有  
佳字

鳴一  
本作  
鳴

其詞隱其義顯有風人之遺類唐人之卓卓者  
尤善叙事有良史才作南史帝紀二十贊采獨  
行秦楚之際月表所歷浙東西州山水必有游  
記當天大足歷燕魏趙代間遺事故蹟且  
涉大瀛海外盡識風物鴻濛之初度越子長矣  
惜其悲鳴煩促天性固然其亾乎其亾乎士充  
充入矍相持觶不去憎聞翩翩自若也易曰浚  
恒貞凶無攸利翺之謂乎或曰伯夷升齊何人  
也曰古之賢人也曰怨乎曰求仁而得仁又何

一本此  
處小異

日舊本  
或作白  
非

怨屈平非怨者耶精神漂散鬼語神詞變幻不  
測翱豈平伍耶初翱亡恙時得唐方干舊隱白  
雲村建炎四年江端友呂居仁朱翼諸賢為文  
祭臨水之神避地於此翱曰死必葬之作許劍  
錄逮疾草語其妻劉氏曰我死必以骨歸吳思  
齋方鳳葬我許劍之地二人果聞訃至與方燾  
方幼學馮桂芳翁登翁衡奉骨葬如志夫以死  
生託人不爽曷日信矣哉其徒吳貴買田月泉  
精舍祠曰晞髮處士歲時奉烝嘗云

贊曰唐宰相董晉為汴州辟韓愈從事愈激知  
已稱隴西公而不姓晉死從裴度度乃不引愈  
用愈作平田橫文以著其哀若翱者夫亦橫之  
客也與

謝臯父傳

鄧牧

謝君名翱字臯父延平人蚤事科舉學有志當  
世中遭兵火室家喪以購得一子軍伍中相與  
竭力生產僅自給屬繇役繇興不堪迫辱日益  
憤悶成疾以子粗達事務委而遊過嚴陵故舊

喪坊  
本作  
散

遊字上  
坊本有  
出字

家坊  
宋本作

瞻舊本  
俱作瞻  
非

館焉因娶某氏其地與婺接故常往來兩州間  
積十四五年指授館下生粲然進於文學性耿  
介不以貧累人所居產薪若炭率秋暮載至杭  
易米卒歲少裕則資遊江海訪前代故實著家  
史補唐詩人無傳者三十餘篇傳近世隱逸數  
篇歲甲午與杭人鄧牧相遇會稽結為方外友  
牧罕讀古人著述謂文章當出胸臆自成一家  
而君記問優瞻必欲中古人繩墨乃已所見不  
合日夜論辨互相詆及見牧所為文乃起謝曰



公不肯區區有所模擬然法度高古殆天才也  
牧因為言杭大都會文士輩出余知若干人盍  
往見之旬日別去逮牧歸杭君已挈家錢塘江  
上問所從來皆前所聞者其好學信也乙未秋  
牧薄遊山水間君病篤望牧不至懷以詩曰謝  
豹花開桑葉齋戴勝芋生藥草肥九鎖山人歸  
未歸蓋絕筆於此故同姓善之新與君交最厚  
哭其舍累日為著哀辭東西州故人門生不遠  
數百里來弔咸哭盡哀奉喪云先是君買地釣

臺下將葬朋友無歸者至是君葬焉君生不得志閑居常有憂色語聲甚微鬱鬱不平之氣一宣於文讀之使人悽愴知其弗壽也婦莞然無依子遠在二千里外存亡不相聞可謂窮已嚴陵士風厚將有集君遺稿以傳後者志且不沒牧歸悲惋不已誄曰上世之士以文取顯輝而君窮於文痛哉舉父痛哉舉父錢塘鄧牧著

謝翱傳

胡翰

謝翱字舉羽建寧人也家故羸於財父鑰居喪

哀毀人稱其孝宋咸淳初翱試進士不第慨然  
求諸古以文章名家元兵取宋宋相文天祥亡  
走江上逾海至閩檄州郡大舉勤王之師翱傾  
家貲率鄉兵數百人赴難遂叅軍事天祥轉戰  
閩廣至潮陽被執翱匿民間流離久之間行拉  
勾越勾越多閩閩故大族而王監簿諸人方延  
致遊士日以賦詠相娛樂翱時出所長諸公見  
者皆自以為不及不知其為天祥客也然終不  
自明且念久不去人將虞我矣乃去而之越之

南鄙依浦陽江方鳳時永康吳思齋亦依鳳居  
三人無變志又皆高年遂俱客吳氏里中得其  
餘日以自適一不問當世事翺嘗上會稽循山  
左右窺祐思諸陵西走吳會東入鄞過蛟門臨  
大海所至歔歔流涕晚愛睦州山水浮七里瀨  
登巖光釣臺北向舉酒以竹如意擊石歌曰媿  
歸來兮何極蒐去子關水黑化為朱鳥子有蜀  
鳥食歌已失聲哭人莫詰其誰何惟鳳與思齋  
深悲之初江端友呂居仁朱翌辟地白雲源源

故方干所居在釣臺之南，翱率其徒遊焉。願即此為葬地，作許劍錄及翱居錢塘病草語。其妻劉曰：我死必以骨歸方鳳葬我許劍之地。鳳聞訃訖，如其言。鳳字韶，卿由太學生授容州教授。治毛氏詩，陳宜中當國禮下之，命其二子大登、小登受業焉。同鄉黃潛、柳貫皆出其門。好獎拔士，有一善未嘗不與之進。思齋字子善，其學本之外。祖陳亮，用蔭補官。攝嘉興丞，數以書干宋臣用事者，言賈似道母喪不宜賜鹵簿，責文及

翁頥忌爭不力猶不爭耳又言御史俞浙以論謝堂去職宰相附貴戚塞言路如朝廷何思齋雖有寒疾耳聾遇事不以勢移不以貧屈自號全歸子云

媯仲子曰翰少客浦陽望仙華竇掌諸山從縉紳學者問翱時事未嘗不喟然為之太息於是訪其論著之文翱有晞髮集鳳有巖南集思齋有全歸集三家者惟翱集尙焉其詞隱其旨微大要類其行事是時元新有天下士大夫於宋

事多諱言之鄞江任士林稱翱善哭如唐衢豈  
其情哉豈其情哉

謝翱傳

宋 濂

謝翱字臯羽福之長溪人後徙建之浦城父鑰  
性至孝居母喪哀毀廬墓終身不仕通春秋著  
春秋衍義左氏辨證傳於時翱世其學試進士  
不中落魄漳泉二州侷儻有大節會丞相文天  
祥開府延平長揖軍門署諮議參軍聲重梁楚  
間已復別去及宋亡天祥被執以死翱悲不能

禁隻影行浙水東逢山川池榭雲嵐草木與所  
別處及其時適相類則徘徊顧盼失聲哭巖有  
子陵臺孤絕千丈時天涼風急翱挾酒以登設  
天祥主荒亭隅再拜跪伏酌畢號而慟者三復  
再拜起悲思不可遏乃以竹如意擊石作楚歌  
招之曰魂朝往兮何極莫歸來兮關水黑化爲  
朱鳥兮有味焉食歌闋竹石俱碎聞者爲傷之  
然其志汗漫超越浩不可禦視世間事無足當  
其意者獨嗜佳山水如雁山鼎湖蛟門候濤沃



洲天姥野霞碧雞四明金華洞天搜竒抉秘所  
至即造游錄持以誇人若載七寶歸者遊倦輒  
憩浦陽江源及睦之白雲邨尋隱者方鳳吳思  
齊晝夜吟詩不自休其詩直遡盛唐而上不作  
近代語卓卓有風人之餘文尤蘄拔峭勁雷電  
恍惚出入風雨中當其執筆時瞑目遐思身與  
天地俱忘每語人曰用志不分鬼神將避之其  
苦索多類此婺睦人士翕然從其學前至元甲  
午去家虎林西湖上前代遺老尚多存者咸自

詫見翱晚明年乙未以肺疾作而死年四十七  
瀕死屬其妻劉氏曰吾去鄉千里交遊惟方韶  
卿吳子善最親不啻兄弟慎收吾文及吾骨授  
之韶卿即鳳子善即思齊已而鳳等果至與方  
幼學方燾馮桂芳翁登登之弟衡葬翱子陵臺  
南以文藁殉伐石表之曰粵謝翱墓初翱以朋  
友道喪盡吳越無挂劍者思合同志氏名作許  
劍錄勒諸石未就復為建許劍亭於墓右從翱  
志也翱無子其徒吳貴祠之月泉書院云翱好

修抱獨刻厲憤激直欲起古人從之遊不務諧  
於流俗意所不顧萬夫莫回也每慕屈平托興  
遠遊自號晞髮子遇談勝國事輒悲鳴煩促涕  
泗潛然下士有苟合而氣志得者憎聞翩翩自  
若也所著手抄詩八卷雜文二十卷唐補傳一  
卷南史補帝紀贊一卷楚詞芳草圖譜一卷宋  
鏡歌鼓吹曲騎吹曲各一卷睦州山水人物古  
跡記一卷浦陽先民傳一卷天地間集五卷東  
坡夜雨句圖一卷浙東西游錄九卷餘倣秦楚

之際月表作獨行傳及左氏傳續辨歷代詩譜  
皆未完所選唐韋柳諸家詩及東都五體詩不  
在集中金華宋濂

贊曰翱一布衣耳未嘗有爵位於朝徒以被天  
祥之知麻衣繩屨章皇山澤間若無所容其身  
使其都重祿受社稷民人之寄其能死守封疆  
決矣翱不負天祥肯負國哉翱蓋天下之士也  
昔田橫不降漢拔劍自剄客之從死者五百人  
若翱之志其有類橫之客者非耶吾聞之任先

生云

題謝臯羽傳後

劉基

阮籍哭窮途墨翟哭素絲賈誼上書期寤主卞  
和抱玉無人知人生有情不可塞謝生慟哭非  
狂癡神奔鬼遁天地革龍魚貓虎三辰黑黼裳  
玄袞換羶裘鞮唱羌歌滿中國生也何辜逢此  
時有才不用空男兒伯益丘墟管仲沒孤根弱  
植誰扶持既不能學申胥頓首血沾臆却吳再  
建荆社稷又不能學鄒衍長號徹帝關飛霜六

月婁燕山空將淚灑荒岡雨添作秋濤撼江浦  
君不見杞梁之妻善哭夫哭得城崩又何補夜  
猿叫罷天晦冥哭聲搖動虛危星瀟湘竹歿鳳  
凰去但見白波連洞庭嗚呼此士今安在金石  
可銷心不改應將魂魄化精衛銜取南山填北  
海

謝君臯羽行狀

方鳳

君諱翱字臯羽姓謝氏福之長溪人後徙建之  
浦城曾祖景暉祖嘉至其父鑰以春秋學為婦  
翁繆正字烈所器重嘗著春秋衍義十卷左氏  
辨證六卷藏於家君世業幾冠已行聲試有司  
不第落魄泉漳間會丞相信公開府杖策詣公  
署諮事叅軍其畧見西臺慟哭記後避地浙水  
東留永嘉括蒼四年往來鄞越復五年戊子夏  
至婺遂西至睦及杭慕屈原懷郢都讀離騷二

十五託興遠遊以晞髮自命為詩厭近代一意  
遡盛唐而上文規柳及韓嘗欲倣太史法著季  
漢月表采獨行全節事為之傳大率不務為一  
世人所好而獨求故老與同志以證其所得會  
友之所名汐社期晚而信蓋取諸潮汐嘗為許  
劍錄慨時降交靡者舊凋落盡吳越殆無掛劍  
者思集同好姓字年爵居里擇地昔賢所嘗遊  
作亭立石他日示宿草不怠意其遊蹟非勝絕  
處不到如桐山鼎湖蛟門候濤沃洲天姥野霞



碧雞四明金華洞天探幽發竒所至即以遊錄  
述所賦詠多昔賢文字所未及持以與人若載  
異寶歸者遊倦輒憩婺睦之江源月泉仙華巖  
小爐峰三瀑布復愛子陵臺下白雲原唐玄英  
處士舊隱有終焉之志且欲為文冢瘞所為稿  
臺南甲午寓杭遺人劉氏女以女至是買屋西  
山日與能文詞者造還乙未復來婺睦尋汐社  
舊盟夏由睦之杭肺疾作以秋八月壬子終蓋  
於是距生年已酉四十有七矣乘沒時語妻劉

方鳳下本  
有方幼學  
與方本  
作鳳與

吾去鄉遠交遊惟婺睦間方某翁某數人取親  
死必以赴慎收吾文及遺骨候其至以授之辛  
酉訃聞婺方鳳吳思齋睦馮桂芳翁登及弟衡  
會小爐峰相嚮哭明日與方幼學方燾先往臺  
南度可葬地甲子具舟之杭哭諸劉氏劉循治  
命候庚午以遺骨歸殯桐廬買山營兆所度處  
越明年正月二十八日丁酉窆以文稿殉兆在  
故起居舍人范公端臣墓右地名巖陵郡以著  
名即其地從初志作許劍亭伐石表於墓曰粵

謝翱墓蓋君嘗入剡見戴顓墓表示然寔之日  
同生年吳謙志壙其從孫貴以門人虞而歸婺  
祠之月泉君遺稿在時舊所為悉棄去今在者  
手抄詩六卷雜文五卷唐補傳一卷南史贊一  
卷楚辭等芳草圖譜一卷宋饒歌鼓吹曲騎吹  
曲各一卷睦州山水人物古蹟記一卷浦陽先  
民傳一卷東坡夜雨句圖一卷浙東西遊錄九  
卷春秋左氏續辨歷代詩譜未脫稿選唐韋柳  
諸家及東都五體在集外憶君始至時留金華

山中歲晚為文祭信公望天末共哭復賦短歌  
行以寄餘悲自是與余為異姓兄弟不忍離離  
輒復合每卧起食飲相與語意不能平未嘗不  
撫膺流涕也君好修抱獨刺厲憤激直欲起古  
人從之遊其樹立有如此者願死中年無後翁  
衡與余子肖俱嘗從君授春秋未卒業諸學者  
經指授率異嚮所能余雖早喪尚擬相從盡衡  
霍之興歸而潛文字以老今已矣能無痛乎姑  
叙顛末赴所知求為銘且以俟後世君子友人

方鳳謹述

旌德劉  
聖立書

謝君臯羽壙誌

吳謙

巖子陵釣臺南岬唐玄英先生白雲舊隱西一  
里是為晞髮處士謝君臯羽之墓君諱翱福之  
長溪人徙建之浦城曾祖景暉祖嘉父鑰母繆  
氏秘書省正字烈之女君襲春秋學試有司不  
第落魄泉漳間丞相信公開府嘗署諮事叅軍  
後遊浙東西州登釣臺慟哭公復作許劍錄思  
集同好名氏築亭立石期衰暮無忘吳季子意  
且將度臺南為文冢異日並玄英舊隱老焉其

會友之所曰沙社義取晚而有信甲午由鄞越  
寓杭乙未春來婺睦復如杭秋八月壬子以疾  
終于婦劉氏舍距生年己酉四十有七無子友  
人吳君思齊等歸其骨買臺南地為兆域越明  
年正月二十八日丁酉窆以文槁殉從初志也  
君平居與同好情甚骨肉而疾惡如讐嗜佳山  
水訪故老所至滯留類遊惰士至講誦編剡輒  
忘寒暑饑渴凡所著述欲直追古人不務諧一  
世意所不顧萬夫莫回也晞髮本楚詞因以石



其集有詩八卷文二十卷憶君始至婺時余二  
兄尚無恙仲兄命其孫貴受業從者翕然余家  
浦陽江水源延吳君思齊方君鳳為江源講經  
社與君汐社合余與君同年生又相好也門祚  
衰薄頻年哭二兄今又哭君追念死生離合之  
故何能無感陰於斯遂伐石志君年行納諸壙  
且俾貴於月泉精舍祠焉吳謙謹志

旌德劉  
聖立書

宋隱士謝皋羽先生墓碑記

鄧椿

先生宋之義士也未仕故以隱名歿而葬此幾  
三百年矣世邈代更文獻無考卒葬歲月俱不  
可知唯孤塚堙漶於草莽間故里豪傳稿者輒  
躐其上而穴之郡太守后峰楊公節推玉泉吳  
公素欽先生風誼躬詣丘壠誅茆展拜目擊其  
狀即逮而罪之遂令贖鏹立石以表墓道蓋一  
舉而兩得也欲垂示久遠復捐俸磬石亭碑墓

側命兩峰鄧子為之記按郡誌先生諱翱字臯  
羽閩建寧人宋末文天祥起勤王之師翱叅軍  
事及天祥被執翱匿民間人不知其為天祥客  
也晚愛睦州山水浮七里灘登巖光釣臺北向  
舉酒以竹如意擊石歌曰魂歸來兮何極魂去  
兮關水黑化為朱鳥兮有味焉食歌已失聲哭  
人莫詰其誰何唯友人方鳳吳思齊深悲之釣  
臺南有白雲源故方干所居翱率其徒游焉願  
即此為葬地作許劒錄及卒鳳等如言葬之所

著有晞髮集若干卷行於世竊詳誌傳徒撰其  
跡而未得其心宋室節義之臣天祥為冠而豪  
傑舉事莫有大於勤王者先生為天祥客而參  
其軍事必志同道合始相為謀天若祚宋天祥  
不執於五坡固將大有為矣而宵為民間之匿  
哉予知隱非先生志也清風高節自漢而後子  
陵一人先生志弗獲伸恥為

潔身遠引舍

陵誰歸故棄親戚捐墳墓越數千里而投老於  
此地雖玄英故居心實慕陵風節而依附之也

誌乃謂晚愛睦州山水夫睦有丁溪越嶂之竒  
然先生計安社稷而區區山水足嬰其情哉况  
登臺北向之酌擊石招魂之歌詞旨悲壯蓋痛  
憤其主之被執北去故遙望以吊之自不知哭  
之失聲也友人之悲亦悲其大志未遂而豈以  
流落不偶惜之使當時少易厥志苟圖富貴必  
通顯終身不至遺孤塚於異鄉寂寞之境然先  
生寧為此弗為彼諒亦其衷自愛自安青天白  
日有不與草木同朽腐者在而可以尋常窮達

論之耶夫始客天祥之門生得其生也終墓子陵之側死得其所也若先生其有宋之完人矣予猶有感焉玄英沒於唐至宋范文正公繪像祀之先生沒於元至明楊吳二公立石表之未究厥抱於當時而各見重名公均垂芳於異代百年之後遇亦竒矣果潛德隱行必久始彰而天佑忠賢吾道終不爽與雖然玄英因舉進士不第始隱較諸以宋室存亡為進退者大不侔後之評先生者當伯仲子陵而玄英非所擬也

若楊吳二公表揚往哲以風勵後人則希文不  
得專其美矣楊侯名金當塗人戊戌進士吳侯  
名勲歙人丁酉鄉進士治郡協恭多善政邑倅  
胡子鎮劉子廷相宋子宥皆効勤匠石之役而  
樂為助者例得附書嘉靖癸丑嚴陵鄧椿謹記



晞髮集目錄

卷之一

宋饒歌鼓吹曲

日離海第一

天馬黃第二

征黎第三

上臨墉第四

軍澧南第五

隣之震第六

母思悲第七

象之奔第八

征誓第九

版圖歸第十

附庸畢第十一

上之回第十二

卷之二

宋騎吹曲

親征曲第一

回鑿曲第二 三首

遣將曲第三 二首

歸朝曲第四 二首

諭歸朝曲第五

李侍中妾歌第六

孟蜀李夫人詞第七

南唐奉使曲第八

伎女洗藍曲第九

郎吏謁故主曲第十

卷之三

古體一

芳草怨

春江曲

子夜吳歌

烏栖曲擬張司業

廢居行

古釵歎

雙桐生空井

飛來雙白鶴

山中曲擬張司業

遠遊篇寄府教景熙

峨眉老人別子歌

瓊花引

短歌行

秋日擬塞上曲

故園秋日曲

四首

咄咄復咄咄

桂花引

賦得建業水

賦得北府酒

楚女謠

後瓊花引

邳州哭

秋風海上曲

明河篇

射鳩行

虞美人草詞

劉寄奴草詞

雨中怨

白紵歌

陌上桑

折楊柳

卷之四

古體二

廢瑟詞

飛仙引遊沃州水簾谷作

樊夫人上昇詞

俠客吳歌立秋日海上作

島上曲

二首

落梅詞

望蓬萊

結客行

古別離

荅卿冢行



和靖墓

蓮葉舟

玉井水

送人歸烏傷

覓紫芝

雨後海棠

登廣陵寺塔望南高峰

雪度

閱方史君登行狀

食薺歌送別方安道

夜宿南明縣齋

書畫梅花水仙卷

冬青樹引別玉潛

小元祐歌寄劉君鼎

句章見月食

避暑城西觀吳道子畫老君像

趙安天北遊求詩安天韶王孫作詩送

之

逃暑崇法寺

鄞女墓

寶幢山尋黃提刑震舊避地處

城西廢園

卷之五

古體三

寄題何氏綠綺樓

夏日遊玉几山中

雨飲璫瓏岫下

翠鍊亭避雨

過舒臨海故宅

鍊蛇嶺長耳僧

觀水

聽雨

寄所知

池上萍

十日菊

飲飛廟迎神引

鴻門護

贈寫照唐子良

種葵蒲萄下

送殘暑

有洗舊誥綾作青色  
鬻將以爲緣以紺  
繒易得之作手卷賦  
小樂章求好事書  
其後

廣惜往日

雪中方四隱君訪宿  
有詩憶鹿田風雨

舊遊奉和并呈吳六贊府

九日

送袁太初歸剡原袁來杭宿傳法寺寺  
在德壽宮北今行路及園即宮舊址

雜言送鄭主簿炎之官昌化

卷之六

古體四

避暑池上擬古

擬古

二首

九日前子善來會山中

九日集葆山寺得載字

九日禺中登沃洲放鶴峰南望天台諸  
山

五日山中

寄題山陰徐氏林亭

三首

九日黎明發新昌望天姥峰

五日觀瀟湘圖

玉麈尾

錢如意

謝子靜寄端午藥煎

因北遊者寄峨嵋看家先生先生曾宰建  
之浦城故末章及之

二首

寄東白許元發

秋暑飲僧舍分韻得界字

擬古寄何大卿

六首

巖居效賈島

萍間穉荷效王司馬體



效孟郊體

七首

卷之七

五言近體上

失題

二首

中秋憶山人

僊華山招隱

答烟蘿隱者

送人歸蜀

憶梁禮部椅

拜玄英先生畫像

哭正節徐先生

送汪十

槿樹

悼南上人

元日讀老子望瀑作

雨中觀海棠

哭所知

二月十日

九日韶卿子善有約不至子靜亦歸桐  
廬與景雲飲瀑下作

呈王尚書應麟

山陰道中呈鄭正樸翁

送毛耳翁之湘南

寒食姑蘇道中

別子靜却送之雲

哭肯齋李先生

八詠樓

至日憶山中客

懷峨眉家先生

哭廣信謝公

雨夜呈韶卿

暮春感興

秋日憶過秦國公主園

送道士歸赤松

送僧之天台

雪水

用韻鼻友人憶寄

鼓子花

山寺送翁景芳歸覲

寄朱仁中

僧舍避暑分韻得入字

遊釣臺

西臺哭所思

江上別友

題翁徵君集後

除夜聞雷

卷之八

五言近體下

元日枕流亭聽雨

春日寄書代鄉人答

人日雪

早春寄嶺海流人

過孫君文舊避地處

春日遲子芳遊烏龍山

奉和毛益亂後經太白墳

憶過徐偃王祠下作

山驛送春

蜂

雨中感懷

桐華

僧池青蛙

夜宿江山寺

雪榻瀑布

虎石

寺南小池

夏夜山房會宿賦得竹禽

芭蕉雨

中秋龍井翫月

夜坐呈韶卿

韶卿往烏傷寄劉元益

寄贈王僉判龍澤新之官廣陵

十日菊寄所思



野霞觀瀑

萬松道中望南太白

己丑除夜

元旦立春

寒食同方行父明中往綠渚舟中作寄

東安方子仁

雨宿太白

寄育王賢上人

海亭夜坐

採藥候潮山宿山頂精藍夜中望海

夜宿雪竇上方

魯國圖詩并序

董孝子墓

卷之九

記上

遊僊華巘麓記

自巖鹿尋泉至三石洞記

月泉遊記

粵某山蜂分日記

山陰王氏鏡湖渙舍記

樂閒山房記

小爐峰三瀑記

卷之十

記下 序

遊赤松觀羊石記

金華洞人物古蹟記

鹿田聽雨記

遊石洞聯句夜坐記

睦州詩派序

登西臺慟哭記

晞髮集目錄終

旌德湯  
玉侯書

晞髮集卷之一

粵 謝 翺

宋 饒 歌 鼓 吹 曲

太祖嘗徵時歌日出其後卒平僭亂證  
於日爲日離海第一

日離海青腫曬沃以積水涵蒼穹神光隱豹霧  
空氣呼吸為蛇龍赤雲衣紫霓從吹白衆宿歌  
大風天吳道清海宮

右日離海十四句句十三句句三字二句句

四字

宋既受天命為下所推戴懲五季亂誓  
將整師秋毫無犯為天馬黃第二

天馬黃產異方龍為馬白照夜氣汗雲聲野  
備法衣引宸駕騰天垠倏變化閨之餘劑以霸  
閭八姓瞬代謝驅祥靈入罟獲皇上帝監於下  
誓無譁出既禡市日中不易賈坐明堂朝諸夏  
賚萬方錫純嘏

右天馬黃二十六句句三字

宋既有天下李筠懷不軌據壺關以叛  
王師討平之為征黎第三

黎之壘彌蒼莽迤壺關屬上黨有雄矯健曰餘  
宿將於故之思泣示厥像倚孽狐勢方張辨臣  
獻議勸下太行趨懷孟虎牢計之上爭洛邑以  
東鄉王師奄至扼其吭帝授方略中厥狀獸窮  
駭突死卒以煬脅從已逮孥肆放凱歌回皇威

暢

太行依吳棧讀  
如葦行之行

右征黎二十六句十四句句三字十一句

句四字一句句五字

上親征李重進至廣陵臨其城拔之為

上臨墉第四

上臨墉戈耀日  
靺韋指頤流電疾  
臯止其魁不及卒  
其魁則頑曰予  
親自出坐於轅門  
斧以率歸子往諭  
泣股栗語中其肝  
至畢述侍不及屏  
沮回適鞠投於燎  
甘所即皇仁閔下  
馬如止驛  
貌貅徹竈歸數實  
獲其棘矢納世室

右上臨墉二十四句十二句句三字十一



句句四字一句句五字

湖湘亂命將拯之至江陵周保權已平  
賊出軍澧南以拒卒取滅亾為軍澧南

第五

軍澧南潰飛鳥鷹隼北來龍蛇夭矯帝有初命  
奉致討臨於荆妖孽既掃胡驅而孕雉入蒼莽  
以保王旅長驅颯振槁以仁易暴戒擊剽惟荆  
衡及郴士如林磔其節垂春葩秋陰我有造於

南

尼心切

式敷德音

右軍灋南二十句句七句句三句九句句四  
字四句句五字

王師拯湖湘道渚宮高繼冲懼出迎悉  
以其版籍來上為隣之震第六

隣之震震於戶戒登陴徹守御神威掩至不及  
拒泂楚以南菁茅宿莽獻於王吏奉厥土天子  
有詔侯西楚自南北東皆我疆龍旗虎節拜降  
王秦戈鞏甲期韜藏冕旒當中乘衣裳

右隣之震二十句句十一句句三句九句句

四字

蜀主昝懼陰結太原獲其謀六師征之  
昝至以母託上許歸母數日昝卒母以  
酒酌地因不食亦卒為母思悲第七

母思悲母于歸母聞帝語妾歸無所妾生并土  
蜀桎芒芒奄失其疆初帝謂母子昝來小者侯  
大者王有瘼其肌載粟於劊畢有下土方歸母  
於鄉天不女奪朕言不忘

右母思悲十六句五句句三字十句句四

字一句句五字

劉鋹亂嶺南為象陣以拒王師象奔蹏  
反蹏停鋹以獻為象之奔第八

象之犇斯惟迹蹏蹏魚麗駕空雲鳥潰南草浮  
浮順於貔貅焚其帑實棄厥阨皇風播平聲霧  
星辰起皆壯走唐季以來逆雛來味頌海肅清  
無留後於汴獻囚凱歌奏

右象之犇十八句句八句句三十三字十句句四

字

播協畢后  
反走音奏

上命將平南唐誓城陷毋得輒戮一人

衆咸聽命為征誓第九

帝命將臣誓師於征伯同馮牙於庭曰無劉我人

曲阿惟唐以及豫章孽於南國楚粵是疆我師

孔武聿禽其王始怒額額將臣不懌曰如上命

即起予疾弓韜於衣刃以不血收其石程焚其

侈淫視於丁寧箬羽不飲平聲取其鑄磬平聲以獻於

京於廟告成城堦既平

廟坊  
京本作

右征誓二十四句二十三句句四字一句

句五字

錢氏奄有吳越朝會貢獻不絕於道至  
是以版圖歸職方為版圖歸第十

版圖歸職方昔服跗注備戎行帝錫之旆龍  
鳥章酌獻命與胥今上及秦王外臣拜稽首笑  
頷帝色康畢同軌來於梁畢靈奕奕敷重光願  
止劍履覲帶裳四海臣妾配虞唐

右版圖歸十八句九句句三字五句句四  
字四句句五字

陳洪進初隸南唐崎嶇得達於天子至  
是籍其國封略來獻為附庸畢第十一  
清源無諸邦力弱臣秣陵間道遣進表九門望  
日旌願賜鄒與郟自達天子庭四隣彫霸業國  
除洗天兵皇靈暢遐外蠻俗邇聲明歸其所隸  
州乞身奉朝請音青帝命得陪祀湯沐在王城從  
茲附庸畢歌以頌河清

右附庸畢十六句句五字

太祖征河東班師以伐功遺太宗卒成

其志為上之回第十二

上之回舞干戚鳴鸞在鑣士飽力桴鼓轟騰罕  
山壯餘刃恢恢軍容肅穆王畿主辰參後服神  
繼聖伐功卒扼以偏師斷北狄矢敢鳴房蜩集  
的質子援絕親銜璧并俗嘖嘖附於化以安得  
其屈產歸帝閑四夷君長來稱藩籥節夷樂示  
子孫

右上之回二十六句句十三句句三字十二  
句句四字一句句句五字



晞髮集卷之一終

旌德劉  
聖立書



晞髮集卷之二

粵 謝 翱

宋騎吹曲

親征曲第一

雲屯列竈驅貔貅殿前殺馬祭蚩尤  
陳蒼蒼太白濕賊帳夢驚繞營日  
軍呼萬歲摧太行華留東抹流電光  
重華繼堯坐垂拱并土再駕無葛疆

回鑾曲第二

建隆親征回鑾二之一

徂暑黎陽車駕歸掃清氛翳兵更衣江都朔雲  
車駕出凱歌消冰供尚食都人引領望翠華征  
人一月俱還家

開寶親征回鑾二之二

長堤夜韋士素飽孤城沈竈無飛鳥從征鹵簿  
拜上恩太常朝上回鑾表

太平興國回鑾二之三

都人望氣歸瑤闕星掃茸頭落參伐西人冉冉

留紫雲六飛擁日歌回軍

遣將曲第三

平荆湖遣將三之一

天門雷動開風雲內前盡給羽林軍聖人神武  
授方略斬將搴旗各駿奔王師所過如時雨洗  
濯焦枯嚮荆楚重宣德意弔遺黎素服軍前釋  
俘虜全家到闕拜上恩詔書為築先臣墓

下劍門遣將三之二

神風流霆驅偃草天兵夜下西南道虎賁長戟

來鳳州歸峽銜枚疾如掃廟謨萬里諗諸將山  
川曲折圖形狀天同鬼授契若符坐減果愚虜  
供帳歸來論功授節鎮饒鼓殿前歌破陣

歸朝曲第四

南平王歸朝四之一

荆南萬里朝天道巫女雲荒產芳草錦韉道賜  
帶盤鵬方物南來進龍腦願陪郊祀依日光供  
帳歸朝親奉表勳階邑食及隸人移鎮徐戎作  
家廟人生富貴侯與王四海為家皆故鄉

吳越王妃歸朝四之二

勾吳月令牽牛中

妃以開寶九年三月隨王入朝

翟第乘風來闕宮

隨王劍履朝上殿黃門夜趣長春宴  
昭容引班入內朝龍袞當中開雉扇  
宴罷朝辭生局促詔賜離宮作湯沐  
先王蒸嘗澤有差上恩許歌陌上花

諭歸朝曲第五

淮南草濕網蟲露家在先朝父尚主  
真人御極四海歸偃蹇不朝稱節度  
夜持鐵券為爾賜上

恩特遣儀鑾使神離魄奪取族夷功臣効命錫  
龍旂

李侍中妾歌第六

李筠愛將惟儋珪美人姓劉筠侍兒城危捨撥  
不得力兩損鉛華帳下啼擁髻前言馬有幾猶  
說閨中那問此赤龍從東乘日車火繞城門內  
蛇死英雄際會風雲奔婦人思報羅裳恩

孟蜀李夫人詞第七

春荒曲薄蠶叢土屈狄歸朝辭廟主官家呼母



恩許歸劍閣并門無處所一作淚如雨故衣升屋棺四  
繞出門哭子汴州道回腸酌酒三致辭巴蜀  
如歸化啼鳥老身不入追爾魂鹵簿臨門拜上  
恩

南唐奉使曲第八

孤城圍中拜右史侍書猶對重瞳子請行忼慨  
期緩師奉命日馳三百里河流遡風車北首便  
殿蒙恩引天袖臣肝有血不濺衣寸舌欲存建  
王後竒胸如江湧崔嵬慟哭不得天顏回

伎女洗藍曲第九

後庭朱黃作衣裏伎女帳帷青曳地碧綠夜挂  
寒不收緣此洗藍滄露水外間學染因得名不  
省歸朝為國氏他年寄生產鷓尾空憶宮中鳥  
銜子

邸吏謁故主曲第十

額南使鶴日教戰巫女才人謔相見南橈欲載  
遠遊冠衛士盜船去不還夢見隨停上江邸道  
謁淒涼惟故吏自言置邸本先王方物入朝緣

此至聞言含咽涕灑江况乃園人舊姓龐淚辭  
嶺海無歸處蒙恩祇向江陵住

晞髮集卷之二終

旌德劉  
聖立書

晞髮集卷之三

粵 謝 翱

古體一

芳草怨

湘雲離離沉曉月  
疏麻夏死白水發  
傳芭楚女辭帳中  
夜逐霓旌南過越  
荆岑越嶠殊百草  
恨結柔絲香不老  
紅杏擲鹽實斧創  
青子滿地枝如掃  
刺桐樹朽猩猩在  
佩雜芳蕤散秋海  
鄉來青鳳食花去  
瞻望靈均渚零雨

春江曲

妾身生長臨江邊  
幼嫁酒家學數錢  
自從夫婿去  
為賈別妾初下武昌船  
涔陽歸雁不寄影  
雋州書到已三年  
別時夢拍水為誓  
惟有海鳧見  
妾淚愁拋錦字下  
中流卻見海鳧淚如水

子夜吳歌

玄髮照秋水  
茱萸香未歇  
風吹夜合花  
露濕衣上月

烏栖曲擬張司業

吳宮草深四五月破楚門開鳥啼歇美人軍裝  
多在船歸來把弓墮弓絃越羅如粟越王獻宮  
中養蠶不作線轆轤出屋井水淺梳樹花萎子  
如繭鳥栖鳥啼宮燭秋越女入宮吳女愁

廢居行

海濤翻空秋草短白蛇入窠啣雀卵經年廢屋  
無居人孕婦夜向船中產歸來多雨白生魚穴  
蟲祝子滿戶樞隣家置屋供官役買得沂王園  
令宅

古釵歎

刑徒鬼火去飄忽息婦堆前殞齊發白煙淚濕  
樵叟來拾得慈獻陵中髮青長七尺光照地髮  
下宛轉金釵二持歸熏沐置高堂包裹恐為神  
所將妻兒朝拜復莫拜冉冉卧病不得瘥省知  
天物厭凡庸夜送白龍潭水中扣頭卻願祈免  
死永入幽宮伴龍子

雙桐生空井

風飄白露井梧落葉上丸丸綴靈藥琴枝連理



鳳鳴晨轆轤雙轉銀餅索

飛來雙白鶴

飛來縹緲立在門  
嚼銜竹花臆欲言  
雄雌來去眼如霧  
客已彷彿知其人  
笙簫忽遠不知處  
知在雲窻與綠戶

山中曲擬張司業

夕煙沉曙煙起野  
爨濕茫茫空竿弄  
塵水楫欄倚西南  
雲生紫團團如車  
輪桑弓蓬矢半刀  
筆去者送盡無來  
人捫蘿慟哭衫袖  
冷白首空

回掃山影

遠遊篇寄府教景熙

朝遊扶桑根不折拂日枝莫食楚萍實掬海見  
虹霓黃鵠別我影日盡漢水湄况復銜其子風  
露何當歸飄蕭軟桂叢零落紫苔衣夢魂知爾  
處落羽在瑤池

峨眉老人別子歌

峨眉有老人奉命過嵩少天風吹西翼冉冉明  
夕照濕塵紛墮天髮白更待報有子為異物不

得入家廟慟哭東南雲相皇滄海嶠青鳥年年  
來寄書久不到

瓊花引

后土祠前車馬道天人種花無瑤草英雲蕊珠  
欲上天夜半黃門催進表酒香浮春露泥泥二  
十四橋色如洗陰風吹雪月墮地幾人不得揚  
州死孤貞抱一不再識夜歸閨風曉無蹟蒼苔  
染根烟雨泣歲久游魂化為碧

短歌行

秦淮沒日如沒鷓白波搖空溼弦月舟人倚櫂  
商聲發洞庭脫木如脫髮寒蛩哀啼衆芳歇晨  
梳青林望吳越吳歛越吟浪花舞秋槎溼劍歸  
無所愁生酒醒聞山雞石鏡飛花汗如雨起招  
如意擊樹枝為君悲歌君淚乘

秋日擬塞上曲

落日燉煌壯妖星太白西涼風吹沙磧帳下玉  
人啼吹沙復吹草嘶馬未知道醉後聞塔鈴胡  
天忽如掃野駝尋水向月行露下胡兒食秋素

故園秋日曲四首

空園久閉無人住，城烏應入巢。其樹食盡滿園，  
綠荔枝引雛飛去，人始知。

故園曲之二

茅茨竹外烟火青，杉雞啁晰向田鳴。家家紅鹽  
殷新杵，綠樹裹劊子如雨。

故園曲之三

龍蛇已去荒窟宅，翻藕人人下劊池。岸池藕盡  
無浮菜，惟有青青榕樹枝。

故園曲之四

粵王山下霧如雨吹入羅襟楚女啼身逐千艘  
落南去惟有檣烏飛向西

咄咄復咄咄

咄咄復咄咄野風吹雲起草墜竹塵陰陰不見  
山雞飛上樹海沒鷓鴣人間舊事新白頭淮南小  
兒未識愁淮南老翁叫無力瓦盆盛水看日食

桂花引

風生河漢吹鳴璫桂宮神斧伐遠揚西遊真人

得竒曲九門不鎖天  
雨霜人間青烟濕塵鞞  
藥  
白嵯峨壓天夢

賦得建業水

建業水秋風動揚子  
魚龍夜落星斗南  
潮沒潮生蒼鷁起  
他年冠蓋物具美  
風吹小船入城市  
潮去不來風日死  
白浪黃塵烟霧裡  
中有長魚食鱸鮓  
解后食魚何處是  
西上國門望武昌  
風雨徙魚來漢陽  
武昌魚勞聚寒樛  
太白八月魚臠減  
武昌城頭鼓統統

曹增本俱  
作增今依  
宋詩鈔改  
正

賦得北府酒

北府酒吹濕宮城柳柳枝著地春  
乘乘祗管人間新別離離情欲斷  
江水語女兒連臂歌白紵淮南  
神仙來酒坊甲馬獵獵羽林郎  
百年風物烟塵蒼老兵對月猶  
舉觴青帘淚濕女墻下曾識  
行軍舊司馬

楚女謠

楚山蕭蕭吹紺髮楚女採蓮歌  
夜發年年種蒨遲城藕水深  
拔根絲在手懸房學蘭秋雨多  
化



感愁坊本  
作稿愁

為魂夢巢蜂窠前花作實采已盡後花尚築船  
未過昨昔浮萍隨漲水濕紫寒青裹蓮葉

後瓊花引

揚州城門夜塞雪揚州城中哭明月墮枝濕雲  
故鬼語西來陰風無健鶻神娥想空衆芳歇一  
夕蒼苔變華髮宮花窳簾塵掩襪玉華無因進  
吳越灘灘淮水山央央誰其死者李與姜

邳州哭

邳州哭井水竭去年哭母瘡海熟今年此日來

邳州母死未禫子為囚邳州土濕淚長在化為  
蒼苔色不改雨洗游魂歸瘴海

秋風海上曲

秋風吹水龍上天龍女抱珠海底眠水花生雲  
起如葑神龍下宿藕絲孔巨鼇鼉扇鼉鼓隨赤  
魚鱗鬣陳旂旂海人見此失摻網歸對妻兒月  
下紡自言移家來磧中十載秋風潮不上老夫  
一人語門前見此已是開皇年

明河篇

雉  
本  
作  
坊  
鳩

牽牛夜入明河道淚滴相思作秋草嫠女城頭  
玩明月星君冢上無啼鳥天寒露淨沾衣巾明  
河倏化為白雲雲飛蜿蜿秋在水石壓槎頭海  
烟起

射鳩行

少年操弩挾兩矢朝射青鳩莫射雉人言雉  
蛇所化欲食躊躇筋不下街頭得錢爭買鳩網  
林抉藪無時休老父勸兒食且止燕安有毒况  
珍美爾不見鳩食半夏鳴爾屋爾母食鳩有藥

毒

虞美人草詞

觸髀起語鷓鴣叫嘯山精夜啼楚王廟渡淮風雨  
八千人叱咤向天成白道身經百戰轉危亾狼  
籍悲歌出漢堡夜帳天寒抱玉泣血變草青烟  
曉濕他年辟仇春草生吳中草死無妾名自從  
為草生西楚得到吳中猶楚舞

劉寄奴草詞

榛中小草夏蔚蒼菜如牡艾花如毳少年防塞

得命生出鏃肉中無粟起向來神姦見白晝溼  
竹烟青聞杵白英雄奮臂徵此時唾落虛空散  
林藪漢家白蛇入本紀况是天王舊支子豈知  
苗裔在民伍蛇鬼猶呼帝小字

雨中怨

妾在江南家楚東憶君月落雨聲空夜來入夢  
君無語落月同看雨不同

白紵歌

江頭蓬沓走吳女浣水為花朝浣紵晝隨晴網

曠日中夜覆井欄飄白露織成素雪裁稱身夫  
為吳王戍柏舉田家歲績供布縷獨夜詎如妾  
愁苦

陌上桑

旭日瞳矇颺拂羽落萼空條生曉霧人生顏色  
逐春妍夏葉餵蠶少絲縷蘭膏照繭未登簇露  
濕頭梳惟水沐卻憐隣女學鍊真藥爐七過煮  
桑薪縱逢蕭史上天去甕盆生苔愁殺人

折楊柳

月時折柳江頭別春去來看柳上月翠翎小鳥  
巢短枝巢老重重編敗髮人生貧賤多別離巢  
中髮密妾髮稀人生富貴能幾時年年柳色青  
綠柔

晞髮集卷之三終

旌德劉  
聖立書



晞髮集卷之四

粵謝朝

古體二

廢瑟詞

發埋空山敗繒客草中惟棄秦時瑟樵夫拾置  
貽樂工朱徽作絃如墨色自從漢曲入鏡歌清  
廟無人傳不得至今崔嵬人已死越庌春蟲聞  
呪子

飛仙引遊沃州水簾谷作

赤城後門桃花尾濕浸薜蘿洗蒼耳小支菩提  
海上來天風吹下谷簾水斜珠界左轉復右華  
蓋縣肝三紫紫內間肉芝承乳流鬼母仙姝臨  
洗胃蒼龜守闕朝太微色阻讒神誣奏事海桑  
男子在謫籍驅鹿行車閏年至

樊夫人上昇詞

四明山樊榭即漢劉綱與夫人樊氏上昇  
處

石壕粘牕秋見海山雞夜啼弄毛彩王孫吹笙

漁夫人青髮凌風素霞在兩塵離地白浩浩河  
西種星榆樹老海桑童童日出歸衣溼上池洗  
頭草

俠客吳歌立秋日海上作

潮動秋風吹牡荊離歌入夜斗西傾  
飲飛廟下蛇會草青拭吳鉤入匣鳴

島上曲二首

皮帶墨鱗身卉衣晚隨鬼渡水燈微石門犬吠  
聞人語知在海南種蛤歸

鳥上曲之二

夫招賈客歲經遼自到城中賣織綃卻買鉛華  
采珠母擯柳露下月中調

落梅詞

北風花糝枝春風花糝衣青鳥夢中見畏來花  
下飛豈是得春遲因緣別春蚤夜濕灞陵苔半  
在古馳道入瓦雪冥冥離樹香草草那無返魂  
術不忍見春老

望蓬萊

溼雲糝糊埋秋空  
雨青沙白丹陵東  
莓苔陰陰草茸茸  
上聲云是花卿古來冢  
花卿古冢知者誰  
精靈未歸白日西  
廟鴉啄肉枝上啼  
緜州柘黃魂正飛

和靖墓

山中處士白麻履  
死後無書獻天子  
青童玄鶴晝上天  
夜下玉棺葬湖水  
湖堤四合封如髮  
芳樹玲瓏倚春雪  
百年鳳舞雲霧空  
玉枕人間出句越  
宮嵐塔雨恍如失  
飛網繞湖冠聚鷗  
琳宇

赫芝秋寒磨斗下無人祠太乙

蓮蕊舟

溼雲冉冉依芳芷楚女神絃迎帝子天人種蓮  
露染根一片碧花秋墮水笙簫聞聲影如夢浮  
花漠漠船來重神蛟蛻腸江水湄化為五色光  
陸離中有玉人跨蛟舞藕根斷絲胃人衣碧瞳  
秋髮眠清夜按肌不粟清露下

玉井水

玉華翳日神封井液冷秋根洗雲影年年天女

下來觀露濕風吹太華頂冰枝脫葉隊欲舞  
青鳥伺枝忽銜去夜深井氣白吐虹井中龍子如  
守宮凡人不敢飲此水徃徃夢寐游其中

送人歸烏傷

湖邊老屋墻壓籬飢鴉啄雪枝上啼湖中葑田  
產菘米菖蒲花開照湖水蒺藜老翁呼不起曾  
入東宮教皇子文雅風流俱掃地瓦磚擲人老  
兵醉後園小坊近市廛借人檣蒲無稅錢君歸  
故里何所憐

覓紫芝

少微昏見莆鷓中山深夜氣光流虹青芝獨產  
林下石染根濕雲如紫漆天門夢斷路初回山  
鬼守根不敢食銀泥徹鎖守者疲老翁持咒取  
夜歸明當食之間鬼哭對爾洗腸還入腹

雨後海棠

春光搖搖一萬里野粉殘英空蜀水天人愁濕  
紅錦窠萬里移根泪如洗蒼苔裹枝雪墮地雨  
中聞有西南使化為黃鸝凌空青開時銜花落



銜子綠章青簡下蓬萊  
滯魄游魂恨未已至今  
鸚鵡啼猩紅不隨明月葬空中

登廣陵寺塔望南高峰

寺碑紀太宗  
潛藩時事

城池風烟杯度僧廣陵  
孤塔懸晝燈塔燈上齊  
南高雲南高峰顛祠歛  
神靈旗蕭蕭卷清雨結  
喉巫陽能楚語回望人  
烟塔峰北惟有空城臨  
水滸赤蛇不神江海翻  
菽澤狐狸作已舞當年  
介弟階防禦玉鸞青鞭  
上天去

雲度

千山萬山雪崔嵬欲流不流水洄洄蟄熊出穴  
成草短客行心急夢歸來南園桑柘未生葉南  
溪渡頭不可涉朝種木蘭拔為楫

閔方史君登行狀

九江黥王所理州喪年仗築作諸侯唐人舊隱  
衣冠盡歸闔宮潮不得覲天吳舞罷塵土飛廿  
入音載猩雲寄歸曠當年電隙豈所問生死身名  
惟轉瞬睦人共說方饒州番人作廟祠唐震

食薺歌送別方安道

程坊本作  
猩歸坊本  
作空

山中葍發燒餘地與君為客同食葍葍長故君  
收燼餘君歸食葍如食茶我家甌越草應出土  
溼烟青歸不得相逢舉酒復為別對君盤中不  
忍食

夜宿南明縣齋

朝陰扣舷清剡曲暝投天姥峰前宿桂蟲食菜  
露濕身影落莓苔雲轟轟天風吹枝斲未殊夢  
尋杳靄來絳車下車者誰藏姓氏夜向瓊臺讀  
諸子覺來隱隱聲在耳月向西南望為水

書畫梅花水仙卷

風吹鞞露明微照芳雲弱植仙姝廟髻鬟零亂  
在枕函月裏羅浮夢中到鮫綃拂塵蟬翼隔窓  
霧凝寒唯影入曉來坐對殘空標翠翎不見額  
黃濕

冬青樹引別玉潛

冬青樹山南陞九日靈禽居上枝知君種年星  
在尾根到九泉雜龍髓恒星晝霄夜不見七度  
山南與鬼戰願君此心無所移此樹終有開花

時山南金粟見離離白衣人拜樹下起靈禽啄  
粟枝上飛

小元祐歌寄劉君鼎

前甲子小元祐句章祿黑權臣死端平天子初  
改紀襲芳泰陵種蘭芷當秋淮甸枯草黃彎弧  
北向射天狼狐南星光天狗隨入蔡生擒完顏  
王是年南海無波浪月溼珠胎君以降只今六  
十空白頭獨騎麒麟補春秋天回星周美惡復  
人世更傳蔡州錄

句章見月食

穀州見月如魚口沫聚痕消暗牕牖鄞城見月  
如破臼棄藥含垢掛南斗龍蛇伏氣諸腦空水  
中睡失羣陰母其間海禽獨夜啼黑雲赴海同  
奔犀市人識母不識父擊拆摧扉救月死况值  
蕤賓月十五干神附甲支在子孤子哀吟離楚  
尾泪落荒江吊南紀猶憶秦淮哭日年不敢仰  
視看盆水

避暑城西觀吳道子畫老君像

溼煙掛龍天海頭角城溽暑如炎州白氛翳景  
失樓閣蓬萊縹緲不可求解衣揮麈子城下地  
湧青蓮隣古社卷簾看畫人猶龍矯首見龍還  
見畫碧幢髮雪垂過耳弄筆者誰吳氏子

趙安天北遊求詩安天韶王孫作詩送

之

海雲抱漚海水熱道路征人裹冰雪憐君獨作  
萬里遊雨把蓮莖手中別蓮莖刺多蓮葉溼翻  
為君衣覆為笠汴南淮北多故人馬上相逢泪

相揖故園萋萋長草根  
遲君歸來洗雨痕  
青鞭碧影角湖曲  
芳夢猶到韶王孫

逃暑崇法寺

城南古寺涼生處  
草色遙連孝子墓  
碁局雨生苔蘚文  
袈裟晴挂芭蕉樹  
自簪闍黎修白業  
會公惟與舒王接  
只今塵土影堂空  
石上猶鐫麻紙帖

鄞女墓

網草新墜月中露  
青禽夜宿菱塘渚  
寺西幽修



雲覆土知葬舒王下殤女百年光塵事事新  
皇子夫人墓作隣民間歷勝祈新鬼穉鬼久隨風  
雨陳去來侶爾勿復道白下鍾山夢中老

寶幢山尋黃提刑震舊避地處

甬東寺裏逢陳若雙袖龍鍾行帶索問知黃公  
舊避逃寶幢山下坐叢薄日惟一食禱先靈不  
願拾得不死藥仰天呼號得正終一往不復至  
城郭公初著書女立旁公歿母亡家蕩落予為  
戶曹取公女欲敘因由無與語得來與子雲林

莽月落山空識其處

城西廢園

水門夾西雨連越鄴瓦畊殘莎草茁誰知當日  
夫容園溼路迷城暗車轍夫容青根聯戚里美  
人對博蓬山裏潮痕欲上紅露晞知是日高梳  
洗起園南禁絕人行道中有民間舊宿草廢園  
起岱鳴竊脂寒日始應通祭掃

晞髮集卷之四終

上海图书馆藏书



A541 212 0007 1545B

